

sochraňaja Krestóm Tvojím ľúdi. 3x.

svjaščeník v ťim časi perenosit' Krest na tetrapod, klade sv. Krest na tetrapod i ľude spivajuť:

Krestú Tvojemú poklaňajemsja Vladýko, í svjatoje voskresénije Tvoje slávim. 3x.

Chor prichodiť cilovati sv. Krest spivajuči stichiry samohlasny:

Hl. 2. Prijidíte vírniji, životvorjáščemu Drévu poklonímsja, na němže Christós, Cár slávy, vóleju rúci rasprostér, voznesé nás na pérvoje blaženstvo, jáže préžde vráh slástiju ukrád, izhnány ot Bóha sotvorí. Prijidíte vírniji, Drévu poklonímsja, ímže spodóbichomsja nevídimych vráh sokrušíti hlavý.

Hl.8. Priidíte vsja otéčestvija jazýk, Krést Hóspodeň písňmi počtím: rádujsja Kréste, pádšaho Adáma soveršennoje izbavlénije: v tebí vírnijšiji cárije náši chvál'atsja, jáko tvojeju sfloju Ismajílteskija ľúdi deržávno pokarjajúšči: tebé nýňi so stráchom christijáne cilújušče, na tebí prihvozdvíšahosja Bóha slávim, hlahólušče: Hóspodi, na tóm prihvozdvívyjsja pomíľuj nás, jáko bláh í čelovikoľúbec.

Dnés Vladýka tvári, i Hospod' slávy, na krest'í prihvozďajetsja, i v rébra probodajetsja, želčí i octá vkušajet, sládost' cerkóvnaja: vincém ot térnija oblahajetsja, pokryvájaj nébo óblaki, odéždeju oblačítsja poruhánija: i zaušajetsja brénnoju rukóju, rukóju sozdávaj čelovíka, po pleščéma bijén byvájaj, od'ívájaj nébo óblaki, zaplevánija i rány príjemlet, ponošenija i zaušenija: í vsjá terpít mené rádi osuždénnoho, Izbávitel mój i Bóh, da spasét mír ot prélesti, jáko blahoutróben.

Sláva: I nýňi: Hl. 8. Dnes íže neprikosnovénnyj suščestvóm, prikosnovén mňí byvájaj, i stráždjet strásti svoboždájaj mja ot strastěj: svít podavájaj sl'ipým, ot bezzakónnych ustén oplevájetsja, i dajét pleščí za plínénnyja na rány. Sehó čistaja D'iva i Máti na krest'í zrjášči bol'íznenno viščáše: uvý mňi čádo moje, čo sijé sotvoríl jesí? Krásnyj dobrotóju páče vsích čelovík, bezdychánnyj, bezzračnyj javl'aješisja, ne imí ja vída, niže dobróty; uvý mňi mój svíte, ne mohú spjášča zríti Ťa, utróboju ujazvľájusja, i ľútoje orúžije sérdce moje prochódit: vospivaju Tvojá strásti, poklaňajusja blahoutrobiju Tvojemú, dolhoterpíľive Hóspodi, sláva Tebí.

1.august proischoždénije čestnaho Kresta i sv. Makkavejskych mučénikiv

Hl. 4. Pod. Zványj svýše: Dnés rádujetsja vírnych množestvo božéstvennoje: * javl'ajetsja bo nebésnyj krést koncém, * osijavájajet tvérď svítom nepristúpnyj, * vozduch ozarjájajet, i zemlí licé ukrašájajet. * Pojét božéstvennymi písňmi cerkóv Christóva, * slúžit počítajúšči, * svýše jú sobľudajúšcij krést božéstvennyj i prečúdnyj. * Jehóže síloju ukripl'ajemi, * Vladýci pristúpim zovúšče: *umírí mír *i prosvití dúšy náša.

Da rádujetsja tvár i ihrájajet: * dnés bo oblistá krést vo koncích s nebesé, * zemnája prosviščája, * i sovokúpleny pokazá rastočényja. * Dnés likújut s líki ánhel'skimi čelovícy, * íbo bráňaščeje sredohrádije krestóm razoréno, * vo jedíno vsjá jávi sovokupí. * Ťím predsijája páče sólнца, * vsjú tvár prosviščájajet blahodátiju, * i ujasňajet i spasájajet *vírno tohó čtúšcyja.

Páče sólnečnyja zarí, * choťaj mírovi jákože skýptr čestnýj, * Carjá Christá, i koncínu pokazáti, * krést božéstvennyj: * séj predsijájajet jáсно v koncích. * Séj vozvedé iz áda ród čelovíc, * áda veľmí plínív, vrahá nizložív, * démonov hordýňu do koncá pohubí. * Nýňi že projavľajajet voskresénije Spásovo, * i spasájajet zovúšcyja, * umírí mír, i prosvití dúšy náša.

hl. 1. Pod. Prechvál'niji múčénicy: Zakóna vérch, sedmijú stolpý vozvýšen, * mučitel'stvo ne pokolebá: * íbo skótskij honíteľa hňív múžeski preterpíša, * ľílo predávše síkuščym, * blahoródniji júnošy i brátija, * Mojséjskim predánijem chranítelije.

Páče zrímnych úm voístinnu vozvýsivše, * údy plotskíja otsicáchu, * blahočestíviji i dóbliji ótrocy, * s máteriju bohomúdroju, * veľkimi nadéždami vžil'ajemi, * jáže nýňi polučíša, * u Avraáma počívše* na lóňich praotcá svojhó.

Dušévnoju dóblestiju tvérdo sebe voozuživše, * i járost' jáko preobid'ívše, * protivu borcú krípko pril'izáchu blahočestíja rádi, * i zakóna otéčeskaho chranénijem, * svjaščénnijšij Jeleazar, * i premúdriji júnošy, * s máteriju bohomúdroju.

Sláva hl. 8: Svjatíji Makkavéji mučitel'u hlahólachu: * Nám, o Antijóše jedín Cár Bóh, * ot nehóže býchom, * i k nemú obraščajemsja: * mír ždét ín nás, * vídimaho vysočajšij i tvérďíjšij: * otéčestvo že nám Jerusalím krípkij i nehíbnuščij: * toržestvo že, jéže so ánhely žitíjé.*

Hospodi, molítvami ích* pomíľuj, i spasí nás.

I nýňi: Jehóže drévla Mojsěj proobrazováv sobóju,* Amalíka nizložív pobidí:* i Davíd pisnopívec,* podnóžiju tvojemú, vopijá,* kláňatisja povelívaše,* čestnému krestú tvojemú, Christé Bóže,* dnés hríšnji kláňajemsja,* ustnámi nedostójnými,* t'á izvóľivšaho prihvozďítisja na ném,* vospívájušče mólimsja:* Hospodi, s razbójnikom cárstvija tvojhó spodóbi nás.

Na stichóvnach (oktoicha podľa hlasu dňa)

Hl. 2. Spasí m'já Christé Spáse,* síľuju kréstnoju,* spasýj Petrá v móri,* i pomíľuj m'já Bóže.

Da ráspnetsja vopijáchu,* íže tvojích darovánij prísno naslaďdájusčijisja,* i zlod'íja vmísto blahod'íteľa prošáchu prijáti,* íže právednykov ubíjcy: Molčál že jesí Christé, terpjá ích surovstvá,* postradáti choťá i spastí nás,* jáko čelovikol'úbec.

Íže Zemných naslaďdénij ne vozľúbivše strastotérpcy,* nebésnych bláhich spodóbišasja,* i Anhelom sožitelije býša:* Hospodi, molítvami ích,* pomíľuj i spasí nás.

Sláva: hl. 8. Dúšy právednych v rucí Hospodni,* jákože Avraáma i Isaáka i Jáкова,* íže préžde zakóna práotcy,* i Makkavéjov práďidi,* nýňi voschval'ájemych ot nás:* síji bo kripkodúšnji avraámstiji vnúci súšče,* víri porevnovávše svojehó práotca Avraáma,* i dáže do smérťi podvizášasja za blahočéstije.* Blahočéstno bo vospitávšesja,* i zakónno postradávše,* nečéstije obličíša hórdahe Antijocha:* i ničt'óže predpóčetše vrémennyja žízni víčnyja rádi,* vsjá Bóhu vozložíša:* dúšu, múžestvo, rázum,* t'íľo mjáhkoje, i vzdajánija čistoty vospitánijem.* O kórene blahočéstíva,* iz nehóže vý prozjabóste, Makkavéji!* O mátere svjatýja,* róždšija ravnočíslennoje sedmerícy čisló!*No mólím vás, Makkavéji,* s máteriju vášuju Solomoníjeju,* i múdrym svjaščénnikom Jeleazárom,* jehdá predstojité Christú Bóhu,* jehóže rádi potrudítesja,* trudý plodóv vášich prijáti ot nehó,* pril'ížnu mol'bu sotvoríte o čelovíčestvi:* tvorít bo, jelíko chóščet,* i ispóľnit choťínija váša* bojáščichsja jehó.

I nýňi: Hlás proróka tvojhó Mojséja, Bóže,* ispóľnisja, hlahól'aj:* úzrite živót váš, vísjašč pred očesý vášimi.* Dnés krést vzdvžájetsja,* i mír ot lésti svoboďdájetsja:* dnés Christóvo voskresénije obnovľájetsja,* i koncý zemlí rádujutsja,* v kymvál'ich davídski píšň

vospojém Vladýku:*tohó manovénijem ustňí vkúpi i dúšu očiščájusče,* i sijániji sehó myslennými ujasnímsja,* chvál'ašče jehó.

Hórest' drévla uslaďdája Mojsěj,* izbávi Izraíľa,* óbraz krestá napisúja:* mý že sehó vsí vírniji,* tájno i božéstvenno vobrazájusče v serdcách nášich,* vsehdá spasájemsja deržávoju jehó.

Hl. 1. Mnohostradálnaja máti,* k podvihóm sozvávši svojá d'íti, hlahólaše:* avraámst'ij sidíňi posl'ídujte,* da zakoléniju Isaákovu pričastítésja.* Tíji že prijimáchu nastavľájusčuju,* predpostizáchu učáščuju,* drúh po drúzi tomlénija múki víďašče:* íchže molítvami, Bóže, pomíľuj nás.

hl. 4. Séd'm stolpí izbrániji,* ot jedínaho kámene slovésnahó usíčeny býša,* nepokolebím pokazáša zakóna stólp.* Tímže blahovolí, Spáse,* v míri sochranítisja dušám nášym.

hl. 5. Íže zakóna chranítelije,* i Solomoníji sýnove,* na sudíšči stráždusče,* ko Antijóchu vopijáchu:* Mý, Antijóše, za otéčeskij zakón terpím.* Ne otlučít že nás, ni óhň,* ni méč, ni zvirije, ni rány:*no vkúpi úmrem s máteriju stáriceju,* i učítelem otcém,* živúšče i srádujuščesja v neskončájemyja víki.

Sláva: hl.4: Na Makkavéji sobrávšujusja rát,* prijďte, úzrim vírniji múžestvo:*mučíteľ bo cár vsjá jazýki uderžáv,* deržím bijáše ot stárca i d'ítéj sedmí,* i jedínyja žený. Tímže molítvami ích, Bóže, pomíľuj nás.

I nýňi: krestá: Posobívyj, Hospodi, krótkomu Davídu pokoríti inopleménnika, vírnómu nášemu vójinstvu spobórstvuj, i orúžijemkrestá nizloží vrahí náša. Pokaží, Blahotróbné, na nás drévnija míľosti tvojá: i da razumíjut voístinnu, jáko tý jesí Bóh, i na t'á nad'íjuščijisja pobiďdájem, mol'áščijisja obýčno prečíst'ij tvojejí Máteri, darovátisja nám véľijej míľosti.

Slavoslóvije velíkoje,

Koli ľude zakinčujuť spivati stihiry na chvalitech, svjaščeník oblečennyj do vsytkych svjaščeničich riz, otvorjat' carsky dveri, i po skinčiňu stichir vyholosivši:

Sláva tebí pokazavšemu nam svit: kadiť prestol i Krest bere joho obidvoma rukami, prikladat' ku holovi i obchodit' prestol z dvoma sviščenoscjami i kadilom. Jak prijde pered carsky dveri, čekat' na konec slavoslovija i trisvjatoho, po skinčiňu vyhološuje: Premudrost', prosti.

Jak chor spivat' tropar Spasi Hospodi ľudi Tvojá, í blahoslóví dostojánije Tvojejí, pobídy cérkvi nášej na soprotívnyja dáruja, i tvojá

Bohoródičen: Chráme i dvére osvjaščénija, prestóle Bóžij, óblače i svíščniče vsesvítlyj, i kovžéče blahodáti, Vseneporóčnaja, čestní poklaňajúščyjasja óbrazu čestnému jedinoródnaho tvojeho Sína, pokrýj i sochraní.

In Imros: Veličajem t'á Máter Bóžiju, i slávím t'á Bohoródice Divo, jáko Spása róždšuju dúš nášych.

Sokróvišče božéstvennych darovánij, voístinnu pokazástesja, bohátstvo neotjémlemoje, vsechválniji múčenicy.

Molítvennicy dóbliji k Ziždíteľu vsích súšče, isprosíte nevlájemuju žízň dúšam nášym.

Íže božestvennoju révnostiju i teplotóju duší, tvorjáščyja vášu pámjat', sochraníte nesnídájemí ot lukávaho.

Trójčen: So Sýnom Otcú i Dúchu pravómu poklonímsja, so ánhely zovúšče: sláva vo výšnich Bóhu.

Bohoródičen: Rádujsja, dvére svjatája, Bóhu otvérstaja, jedínomu premúdromu, júže osiní Dúch presvjatýj.

Katavásija: Tájín jesí Bohoródice ráj, nevozďílanno vozrastívšij Christá, ímže kréstnoje živonósnoje na zemlí nasadíjsja drévo: t'ím nýňi voznosímu, poklaňajúščasja jemú, t'á veličajem.

Svitílen: Rádujsja kresté presvjatýj, míru st'ínó neoborímaja: pribížišče skorbjáščym, i chraníteľu súščym v núždach: carém pobído, i vójinom sobľudénije, i várvarom odol'ínije, Apóstolom vínče, i vírnym spasénije.

Sláva: múčenikom: Čúdnyja vospojím Makkavéji, Jelezára, ótroki i Solomoníju: síji bo nizložíša šatánija načalozlóbneho zmíja, i zakóna služítelije bývše, vinčášasja.

I nýňi: krestá: Krést chraníteľ vsejá vselénnyja: krést krasotá cérkve: Krést náša deržáva: Krést vírných utvreždénije: krést ánhelov sláva, i démonov jázva.

Na chvalítech stichiry:

Hl. 1. Pod. Nebésnych činóv: Nebésnaja šestvíja krést čestnýj hotóvit vsím,* tomú poklaňajúščyhsja víroju nesumňínnoju:* i likóm neveščéstvennych síl,* íže na ném prihvodzívyjsja,* sočetájjet ľubóviju pojúščyja tohó.

Kláňajúščasja víroju krestú čestnému,* na ném raspénšahosja

tebí prinosjášče i hlahólúšče:* Sod'ílal jesí spasénije posred'í zemlí, Christé Bóže,* krést i voskresénije:* íchže rádi nás spásl jesí,* Bláže i čelovikoľúbče,* Vsesíľne Hóspodi, sláva tebí.

Tropar : Tropar, hl. 1. Spasi Hóspodi ľúdi Tvojá, í blahosloví dostojánije Tvoje, pobídy cérkvi nášej na soprotívnyja dáruga, i tvojá sochraňája Krestóm Tvojím ľúdi.

Sláva: Bol'ízni svjatých imíže o tebí postradáša, umolén búdi Hóspodi, i vsjá náša bol'ízni iscílí, čelovikoľúbče mólimsja.

I nýňi: Spasi Hóspodi ľúdi Tvojá, í blahosloví dostojánije Tvoje, pobídy cérkvi nášej na soprotívnyja dáruga, i tvojá sochraňája Krestóm Tvojím ľúdi.

Na utreňi

Tropár krestá:Sláva: Múčenikom. I Nýňi: Krestá.

Sidál'ny oktoicha.

Po 1. stichosloviji

Hl. 2. Spasénije sod'ílal jesí posred'í zemlí Christé Bóže,* na krest'í prečíst'iji rucí tvojí prostérľ jesí,* sobirája vsjá jazýki zovúščyja:* Hóspodi sláva tebí.

Stích: Voznosíte Hóspoda Bóha nášeho, i pokloňájetesja podnóžiju nohú jehó, jáko svjato jést'.

Ímže óbrazom pl'íníl jést' vráh Adáma,* drévom snídnym,* tákožde sám Hóspodi, pl'íníl jesí tý vrahá drévom kréstnym,* i strástiju tvojeju:* na sé bo prišél jesí vtorýj Adám,* vzyškátí zablúždšaho,* i oživítí uméršaho:* Bóže sláva tebí.

Sláva i nýňi: Bohoródičen: D'íva i Máti tvojá Christé,* na drévi zrjáščí t'á mértva prostérta,* pláčušči hórko hlahólaše:* Síne mój čtó stránnoje síje tájinstvo? Íže vsím dárugaj život víčnyj,* vóleju na krest'í káko umiráješi smértiju ponósnoju.

Po 2 stichoslóviji

Hl. 2. Životvorjáščij krést tvojejá bláhosti,* jehóže darováľ jesí nám nedostójnym Hóspodi,* tebí prinósim v molítvu,* spasí Cérkov i hráď tvoj,* mír dáruga Bohoródicy rádi,* jedíne čelovikoľúbče.

Stích: Bóh že cár náš přéžde víka sod'ílaspasénije posred'í zemlí.

Prečístomu óbrazu tvojemú poklaňájemsja Blahíj,* prosjášče proščénija prehrišénij nášych, Christé Bóže:* Vóleju bo blahovolíľ jesí plótiju vzýti na krést, da izbáviši jáže sozdál jesí ot rabóty vrážija.* Tím

blahodárstvenno vopijém tí:* Rádosti ispólnil jesí vsjá Spáse náš,*
prišédyj spastí mír.

Stich: *Díven Bóh vo svjatých svojích Bóh Izráilev.*

Tebé od'ivájuščaho nébo óblaki,* imúšče svjatiji od'ijánije, v míri,*
múki ot bezzakónik preterpíša,* i lést' ídol'skuju uprazdňíša:* tích
molítvami i nás svobodí ot nevidímaho vrahá Spáse,* i spasí nás.

Sláva i nýňi: Predstojášči u krestá tvojeho,* jáže bez símene róždšaja
t'á Christé,* i ne terpjáščí zríti neprávední stráždušča,* rydáše s pláčem
i vopijáše tí:* káko stráždeši, íže jestestvóm bezstrásten, sladčájšij
Síne? Pojú tvoju krájňuju bláhost'.

50 psalom

Kanon

Písň 1.

hl. 6. Irmos: Jáko po súchu pišeséstvovav Izráil' po bézdňi
stopámi, honíteľ'a faraóna víd'a potopl'ájema, Bóhu pobidnuju písň
pojím, vopijáše.

Stich: *Sláva Hóspodi svjatómu krestú tvojemú i raspjátiju*

Krestú vírných spaséniju poklaňájusja, i tépl'i oblobyzáju: i objémľ'a
vopijú: drévo vseblažennoje Christóvo, dúšu moju i úm prosvití,
mol'úsja.

Pobidonósno javísja na strásti i bísy, dnés známenije krestá. Tímže
vírniji vsí svítlo prosvíšče dúšy, nýňi oblobyzájem.

Lučezárnaja oblistájet sijánija krést čestnýj, i prosviščájet vírno
poklaňájusčicsja jemú dnés, osvjaščája dúšy náša i t'ilesá.

Žiznodáteľ'nyj krést predležáč, i zrím, svitovídnuju zarjú
preposylájet blahodátej: pristúpim i prijímem prosviščénije, veséľije, i
spasénije, i ostavlénije, chvalénije Hóspodevi prinosjášče.

Bohoródičen: Presvjatája Dívo, jáže Christá plótiju róždši,
postradávašaho nás rádí vóleju na krestí, t'á blažášcyja čestno, spasáj
mol'bámi tvojími.

HL. 8. Irmos: Vódu prošéd jáko súšu, i jehípetskaho zlá izbižáv,
Izrail't'ánin vopijáše: Izbávitel'u i Bóhu nášemu pojím.

Stich: *Svjatíji múčenicy, molíte Bóha o nás.*

Lík sedmočíslenných stradálec jávľ'sja, jedínym nrávom v l'útych, po
utverždéniju otéčeskaho zákóna, umréti ne otrekošásja.

Slávu prezrívše, jáže na zemlí, želánijem božéstvennahó cárstvija,

vsjáku bol'ízň preterpíša božéstvenniji Makkavéji:Tímže dostójno nýňi
čtútsja.

Zákóna chraníteľije Mojséjeva, voístinnu dóbliji Makkavéji, brátija
drúh so drúhom javíšasja, vnehdá poprátí ím Antijóchovo bezbóžije.

Bohoródičen: Číny t'á ánhel i čelovík,beznevístnaja
Máti,voschval'ájut neprestánno: Zíždíteľ'a bo vsích, jáko mladénca na
rukú tvojeju poneslá jesí.

Katavásija: Krést načertáv Mojséj vprjámo žezlóm móre
čermnóje presičé, Izráil'u pišechod'ášču, tóže obrátno faraónovym
kolesnicam udáriv sovokupí, voprekí napisáv nepobidímoje orúžije.
Tím Christú pojím Bóhu nášemu, jáko proslávisja.

Kondak, hl. 4. Voznesýsja na Krést vóleju, tezoímenítomu Tvojemú
nóvomu žíteľ'stvu ščedroty Tvojá daruj, Christé Bóže: vozveselí síloju
Tvojeju cérkov Tvojú, pobídy dája jéj na supostáty, posóbije imúšcej
Tvoje orúžije míra, nepobidímuju pobídu.

Ikos: Íže do tretíjaho nebesé voschíščen býst' v ráj, hlahóly uslyšav
božéstvennyja i neizrečennyja, íchže nelít' jést' jazýki čelovíčeskimi
hlahólati, čtó Galátom píšet, jáko račítelije písánij pročtóste i razumíte:
mňí, rečé ne búdi chvalítisja, tókmo o Krest'í Hóspodni, na némže
stradáv ubí strásti. Toho ubo í my izvístno deržímsja, Krestá Hóspodňa,
pochvalý vsích: jest' bo nám spasénije síje drévo, orúžije míra,
nepobidímaja pobída.

Písň 9

Irmos: Bóha čelovíkom ne vozmóžno víd'iti, na nehóže ne smíjut
číní ánhel'stiji vzyráti: tobóju bo Vsečístaja, javísja čelovíkom slóvo
voploščénno. Jehóže veličájusče, snebésnyimi vóji, t'á ublažájem.

Tl'ínni ot preslušánija býchom, Bóžija zápovídi prestúpnicy jávľ'sesja:
sehó rádí sméřt' prijíde čelovíkom. Tímže bezsmértije procvité dnés
pobídnij krést Christóv, jehóže cilújem.

Sé drévo presvjatóje, krípkaja nadéžda vírným javísja, kl'átvy
izbavlénije, čelovíkov rádoš' predležít, obličája tmý načál'nika: semú
poklonímsja vírniji s veséľijem.

Načálo blahoslovénija, i utvřeždénije christiján i s'tiná, i tvrdoje
zastuplénije, i kl'átvy izbavlénije, javísja nám drévo voždel'ínnoje,
orúžije nepobidímoje:prosvití i osvjatí nás poklaňájusčychsja tebí.